

UGOVOR

između:

1. *JAVNA USTANOVA OSNOVNA ŠKOLA "Čamil Sijarić" SARAJEVO sa sjedištem u Sarajevu, ul. Braće Mulića 16, 71000 Sarajevo koju zastupa direktor Husić Jasmina (u daljnjem tekstu: Kupac), identifikacijski broj: 4200167280009 JRT broj 141 196 53200084 75 kod BBI BANKE i*

2. *„NERRO“ D.O.O. sa sjedištem u Sarajevu u ulici Armaganuša br.30 kojeg zastupa Mujkić Mirsad (u daljnjem tekstu: Prodavac), identifikacijski broj:4201254460001 PDV broj: 201254460001, transakcijski račun broj: 338-320-226-619-7138 kod Unicredit banke.*

Član 1.

(Predmet ugovora)

(1) Predmet ugovora je nabavka usluga pripremanje školskih obroka isključivo u školi za potrebe Kupca, prema specifikaciji iz člana 10. ovog ugovora.

(2) Kupac i Prodavac su saglasni, da ugovor realiziraju prema definisanim uvjetima u tenderskoj dokumentaciji i prema sadržaju ponude broj 03-252/19 od 17.06.2019. godine sa kojom je Prodavac učestvovao u provedenom otvorenom postupku za dostavljanje ponuda.

Član 2.

(Cijena)

(1) Ugovor se zaključuje sa procijenjenom vrijednosti, u iznosu od **249.891,28 KM** bez uključenog PDV-a.

(2) Procjenjena jedinična cijena jednog dnevnog menija bez PDV-a iznosi 4,44 KM, a jedinična cijena jedne užine bez PDV-a iznosi 0,667 KM.

(3) Isporuka hrane iz člana 1. ovog ugovora će se plaćati prema utvrđenim pojedinačnim jediničnim cijenama iz Ponude Prodavca broj: 03-252/19 koja se neće mijenjati tokom ugovornog perioda.

(4) Ukupna plaćanja bez poreza na dodatnu vrijednost, na osnovu svih pojedinačnih isporuka obroka po zahtjevima Kupca na osnovu ovog ugovora ne smiju prelaziti procijenjenu vrijednost nabavke iz stava (1) ovog člana.

(5) Hrana će se pripremati u prostorijama školske kuhinje, za koju je prodavac dužan isplatiti na račun kupca iznos od 1,100 KM mjesečno, izuzev za mjesec juni, kada će isplatiti iznos 200,00 KM.

Član 3.

(Nepromijenjivost cijene)

Prodavac se obavezuje na nepromijenjivost cijena tokom cijelog ugovorenog perioda.

Član 4.

(Umanjenje fakture prodavca zbog odsustva učenika u produženom boravku)

Škola će vršiti dnevnu evidenciju prisutnih učenika u produženom boravku i na bazi toga davati informaciju prodavcu o potrebnom broju dnevnih menija za djecu i užina za učenike slabijeg imovnog stanja.

Na bazi takve evidencije će se vršiti isporuka hrane.

Član 5.

(Rok isporuke)

(1) Isporuka hrane iz člana 1. ovog ugovora će se vršiti sukcesivno i kontinuirano u toku ugovora i to dva do tri puta dnevno svakim radnim, odnosno nastavnim danom a po zahtjevima Kupca.

Član 6.

(Način isporuke)

(1) Obaveza Prodavca je da pripremanja školskih obroka iz člana 1. ovog ugovora vrši isključivo u prostorijama škole JU OŠ „Čamil Sijarić“ Sarajevo, Braće Mulića 16, 71000 Sarajevo.

(2) Cijena isporuke hrane je sadržana u cijeni navedenoj u članu 2. ovog ugovora.

(3) Prilikom usluge pripremanja školskih obroka Kupac će vršiti kvalitativno i kvantitativno preuzimanje i kontrolu, te zadržati pravo, u slučaju neispunjavanja traženih kriterija, odustati od ovog ugovora.

Član 7.

(Kvalitet usluge)

(1) Prodavac mora hranu pripremati u školskoj kuhinji.

(2) Prodavac mora obezbijediti minimalno dva kuhara za pripremanje hrane koja će biti isporučivana kupcu.

(3) Prodavac mora posjedovati HACCP i ISO certifikat.

(4) Prodavac se obavezuje da prostorije školske kuhinje o svom trošku opremi u skladu sa potrebama izvršenja ugovornih obaveza.

Član 8.

(Viša sila)

(1) Kupac i Prodavac se neće smatrati odgovornima za kašnjenje u ispunjenju obaveza prema ovom ugovoru, neposredno ili posredno, ako je zakašnjenje nastalo usljed više sile.

(2) Pod višom silom podrazumijevaju se slučajevi koji se mogu pojaviti poslije stupanja ovog ugovora na snagu, a koji nisu pod kontrolom ni jedne sporazumne strane, niti se objektivno mogu predvidjeti, a sprečavaju jednu ili obje sporazumne strane u ispunjavanju preuzetih obaveza po ovom sporazumu.

(3) U što skorijem roku, nakon djelovanja *više sile*, a ne duže od dva dana, Prodavac detaljno obavještava Kupca pismenim putem o djelovanju *više sile*. U slučaju da se utvrdi da Prodavac nije u mogućnosti da ispuni obaveze prema ovom ugovoru, Kupac ima i može koristiti pravo na raskid ovog ugovora o čemu će pismenim putem obavijestiti Prodavca u roku ne dužem od tri dana nakon saznanja o djelovanju više sile.

Član 9.

(Garancija)

(1) Prodavac garantuje da će isporuka iz člana 1. ovog ugovora biti propisanog kvaliteta koji je određen prema važećim standardima i certifikatima i obavezuje se da će dostavljati Kupcu odgovarajuće dokaze o izvršenoj kontroli kvaliteta hrane nadležnih institucija ovlaštenih za kontrolu hrane, s kojim ima aktivan ugovor.

(2) Prodavac snosi potpunu odgovornost za zdravstvenu ispravnost hrane.

Član 10.

(Specifikacija usluga pripremanja školskih obroka)

Sastavni dio ovog ugovora je specifikacija usluga pripremanja školskih obroka sa okvirnim količinama, jediničnim cijenama i ukupnim cijenama po pojedinim stavkama koju je Prodavac priložio u svojoj ponudi broj 03-252/19 sa kojom je učestvovao u otvorenom postupku javne nabavke za dostavljanje ponuda, broj obavještenja JN-2907-1-2-28-3-1/19 od 24.05.2019.godine. Količine u specifikaciji su okvirne količine usluga pripremanja školskih obroka i užina s obzirom da se tačna količina nabavke za period trajanja ugovora ne može unaprijed odrediti.

Član 11.

(Period trajanja ugovora)

(1) Ovaj ugovor se zaključuje na period od 01.09.2019. godine do 31.08.2022. godine, odnosno na vremenski period do iznosa procijenjene vrijednosti ugovora utvrđenoj u članu 2. stav (1) ovog ugovora.

(2) Ukoliko se jedna od ugovornih strana ne bude pridržavala odredbi ovog ugovora, ugovor se može djelimično ili potpuno raskinuti i prije njegovog isteka, uz prethodno izmirenje svih obaveza utvrđenih po osnovu ovog ugovora.

(3) Otkazni rok po ovom sporazumu je 15 dana, a sporazumne strane ovog sporazuma se obavještavaju pismenim putem.

Član 12.

(Zaštita prava)

(1) Sve nastale sporove Ugovorne strane će riješiti sporazumno, a ako to nije moguće spor će biti riješen pred nadležnim sudom u Sarajevu.

(2) Na sva prava i obaveze sporazumnih strana koja nisu regulisana ovim ugovorom, primjenit će se odredbe zakona o obligacionim odnosima.

Član 13.

(Stupanje na snagu)

Ovaj okvirni ugovor stupa na snagu danom potpisivanja od strane ovlaštenih osoba ugovornih strana, a primjenjuje se od 01.09.2019. godine.

Član 14.

(Broj primjeraka ugovora)

Ovaj ugovor sačinjen je u četiri istovjetna primjerka, od kojih svaka sporazumna strana zadržava po dva primjerka.

Sastavni dijelovi ovog Ugovora su dijelovi ponude Prodavca: Obrazac za cijenu ponude, Specifikacija usluga i Tenderska dokumentacija Kupca.

Prilozi ovog Ugovora su dijelovi Ponude Prodavca: Obrazac za ponudu (Aneks I) i Izjave ponuđača, Obrazac za cijenu ponude (Aneks III), Specifikacija usluga (Aneks II).

Prodavac



Broj: 28-6-19
Sarajevo, 28.6.19



Broj: 01-320/19
Sarajevo, 28.06.19.